



Inatsisartunut ilaasortaq Tillie Martinussen  
Samarbejdspartiet - Suleqatigiissitsisut  
/Maani

**Perorsaasut akissarsiaat sulinermilu atugassarititaasut pillugit § 37  
naapertorlugu apeqqummut nr. 242/2018-imut akissut**

Brevdato: 11-10-2018  
Sagsnr.: 2018-19250

Inatsisartut maleruagassaanni § 37 naapertorlugu apeqqutigaat perorsaasut, inunnik isumaginninnermi perorsaasut aammalu ilinniarsimannngitsut sulineranni suut atugassarititaanersut. Akissuteqarnissaq uannit akineqartussanngortinneqarsimavoq. Aallarniutigalugu utoqqatsissutigissavara apeqqutivit akineqarnissaat kinguaattooruteqarmat. Kingusinaartumik akissuteqarnermut pissutaavoq akissummut ilassutissat ilinniartitaanermut. Kultureqarnermut Ilageeqarnermullu Naalakkersuisoqarfiup aammalu Isumaginninnermut, Inunnut Isumaginninnermut Inatsisinillu Atuutsitsinermut Naalakkersuisoqarfiup ilanngussassaat utaqqineqarsimammata.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

**Apeqqut:**

**1. Naalakkersuisut qanoq iliorniarlutik eqqarsarpat qinigaaffiup iluani pitsanngorsarniarlugit perorsaasut socialpædagogit aamma ilinniarsimannngitsut sulinerminni atugaat?**

**Akissut**

Perorsaasut atugaasa pitsaanerulernissaanik Naalakkersuisut ataatsimut anguniagaqarnerat aallaqqaasiullugu oqaatigissavara, tassunga ilanngullugit pisinnaanernik ineriertitsisinnaanerit. Tamanna perorsaasunut, isumaginninnermi perorsaasunut ilinniarsimannngitsunullu tunngatinneqarpoq.

Suliamut tamatumunnga tunngatillugu Naalakkersuisut ulluunerani paaqqinniffinni sulisunut ataatsimoorussamik periusissiamik iliuusissatullu pilersaarummik suliaqarput. Periusissiaq inatsisartunut agguanneqassaaq.

Periusissiatut iliuusissatullu pilersaarut immikkoortunik tallimanik imaqrarpoq:

1. Sulisunik atorfinititsineq atorfimmiginnartitsinerlu
2. Ilinniartitaaneq piginnaanngorsarnerlu
3. Sulinermi avatangiisit
4. IT-mut tunngasut
5. Nalilersuineq, malitseqartitsineq naleqqussaanerlu.

Periusissiaq kommuninut Namminersorlutillu Oqartussat ataanni suliffeqarfinnut attuumassutilinnut tunngavoq. Periusissiaq ilaatigut isumaginninnermut isumaginninnerup iluani piginnaanngorsaanernut sammititaavoq, tamannalu pissutigalugu 2018-mit aningaasat 16,2 mill.-inik naleqartut immikkoortinneqarput inunnik isumaginninnerup iluani ilinniartitsinernut atugassatut. Uani immikkut

taaneqarsinnaapput perorsaasut diplomeqalissutaasumik ilinniartitaanerat aammalu najugaq qimannagu immikkut perorsaariaatsnik ilinniaqatigii, taamaasilluni soorlu ulloq unnuarlu angerlarsimaffinni neqeroorutaasinnaasut qaffatsinnejqarsinnaaqqullugit.

Taaku saniatigut Inunnik Isumaginninnermi Aqutsisoqarfipataavartumik ulloq unnuarlu angerlarsimasfinni sulisut ilinniagaqanngitsut ilinniagaqarsimasulli ilisimasatigut piginnaaneqarnerulernissaat sulissutigaa, soorlu ilinniagaqarsimanngitsut pikkorissarnernik tulleriaarlugilluaqqissuussanik pikkorissartineqartarpuit, ilinniagaqarsimasuttaaq ilinniaqquinnernik diplomeqalissutaasumik ilinniartitaanermik taaneqartartunik ilinniarteqqinnejqartarpuit. Kiisalu ulloq unnuarlu angerlarsimaffinni sulisut pisortaat ataavartumik isumasioqatigiissinneqartarpuit, ulloq unnuarlu angerlarsimaffinni sulisut assigiinngitsunik pikkorissartineqartarlutik.

Ulloq unnuarlu angerlarsimaffinnut immikkoortoq ukiut pingasut ingerlaneranni nukitorsarneqarpoq, taamaaliornikkut siusinnerusumut sanilliullugu pisortanut siunnersuineq annertunerusumik ingerlanneqarsinnaalerluni, ulloq unnuarlu angerlarsimaffinni sulinermi piginnaasanik ineriertortitsinerit ikorfartorneqarsinnaallutik perorsaanermilu periutsinik nutaanik inerisaasoqarunilu sulinermi sakkussanik sulisunut kiisalu ulluinnarni unammillernartitanut nalaattagaannut aalajangersimasunut inerisaasoqarpoq.

Aningaasat pillugit 2018-mi Inatsimmi konto pingaaneq 30.01.02 Inunnik Isumaginninnermi Aqutsisoqarfik, 30.01.03 Pikkorissaanerit ilinniakkanillu nangitsinernik Inunnik Isumaginninnermi immikkoortortaqarfik aammalu ulloq unnuarlu angerlarsimaffiit 2017-imi ukiumoortumik nalunaarusiaat innersuussutigineqarpoq:

[https://naalakkersuisut.gl/~media/Nanoq/Files/Publications/Familie/DK/D%c3%b8gninstitutionernes%20%c3%85rsberetning%202017.pdf](https://naalakkersuisut.gl/~media/Nanoq/Files/Publications/Familie/DK/D%c3%b8gnistitutionernes%20%c3%85rsberetning%202017.pdf)

Naggasiullugu sulisartoqarnermi akissaatit sulinermilu atugassaritat nunami maani sulisitsisut sulisartullu kattuffiisa akornanni isumaqatigiissutit isumaqatiginninniarilluaqqutigalugit aalajangersarneqartarnerat oqaatigineqassaaq. Perorsaasut Kattuffiata NPK-p Naalakkersuisullu akornanni ulloq 1. april 2016 atuutilersumik isumaqatigiissuteqartoqarpoq. Isumaqatigiissut illuatungeriinnit tamanit qaammatinik pingasunik sioqqutisumik 31. marsimit atuutilersumik atorunnaarsinneqarsinnaavoq, taamaattorli siusinnerpaamik 31. marts 2020-mi. Isumaqatigiissut illuatungeriinni aalajangiisinnatitaasunit akuerineqarpoq, aammalu NPK-p ilaasortaanit amerlanerussuteqarluartunit. Isumaqatigiissuteqartarnerni illuatungeriinni isumaqatigiissutaasut piffissap isumaqatigiissuteqarfiusup iluani allanngortinneqartanginnerat aalajangersimasumik periusaavoq, taamaaliornermi isumaqatiginninniartarnerup isumaqatigiissuteqartarnerullu attanneqarsinnaassusianik qularnaarisuuusarluni.

## 2. Naalakkersuisut qanoq iliuuseqarniarpat tamakku ilinniarsimanngitsutut sulisut piginnaanngorsarniarlugit?

- Uani eqqarsaatigaagut meeqqanik inuusuttunillu sullisisut meeqqerivinni amma ulloq unnuarlu angerlarsimaffinni.

### Akissut

Apeqqut 1-imut akissut innersuunneqarpoq.

Tamatumalu saniatigut Ilanniartitaanermut, Kulturimut, Ilageeqarnermullu Naalakkersuisoqarfik kiisalu Isumaginninermut Inatsisinullu atuutsitsinermut Naalakkersuisoqarfik oktober 2018-mi suleqatigiissitamik ilanniartitaanernut pioreersunut nutaanullu, ilinniaqqinernut pikkorissarnernillu qulaajaasussamik, misissueqqissaartussamik pilersaarusrornermillu suliaqarlunilu suliniutinik aalajangersimasunik naliliisussamik pilersitsivoq.

Suleqatigiissitap makku qulaajaavigissavai:

- Isumaginninermi immikkoortup piginnaanernik qaffassaanissamik pisariaqartitai
- Suliniutinut assigiinngitsunut siunnerfigineqartut
- Ilanniartitaanerit suut pigineqareernerat, suullu nutaanik suliniuteqarfigineqarnersut.
  - o Ilanniartitaanernik pikkorissaanernillu immikkoortiterinerit
- Ilanniartitaanerit pioreersut isumaginninermi immikkoortumi pisariaqartitanik matussusuiinerannik nalilersuinerit
  - o Suliniutit suut qanoq iluseqartillugit aallartisarneqarnissaat, ass. Pikkorissaanerit, ilinniarerit kiisalu piginnaanngorsarnerit ilinniaqqinnerillu.
- Ilinniakkanik nalilersuisarnerit aaqqissuussamik ingerlanneqalernerat

Suleqatigiissitap sulinera oktober 2018-mi aallarnisarneqarpoq, sulinerlu 2019-mi aprilip naanerani naammassineqarsimassaaq.

Ilanngullugu perorsaasut, isumaginninermi perorsaasut iliinniarsimanngitsullu ullumikkut kommunini, Namminersorlutik Oqartussani suliffeqarfinnilu nammineq pigisuni sulisorineqarnerat oqaatigineqassaaq. Ulluinnarni aqtsineq, sulinermi avatangiisit, siunnersuineq atugarissaarnerillu sulisitsisorisat qaninnerit akisussaaffigaat.

Kalaallit Nunaanni Perorsaanermi Ilinniarfik aqqutigalugu ukiumut perorsaasut agguaqatigiissillugit 29-t naammassisarput. Naalakkersuisut ilisimavaat taakkua ilinniaryluk naammassisartut perorsaasunik pisariaqartitsineq matussususersinnaangikkaat. Maannakkut ilanniartitaanermi pissutsit ingerlaqqissapput. Naalakkersuisullu siunnerfigaat siunissamik perorsaasunik amerlanernik ilinniartitsisoqartalernissaa, matumanii minnerunngitsumik piffinni ilanniartitaanernik suliniutit.

Suliniutit tamakku ilaatigut NPK-p perorsaasut akornanni misissuinernik ingerlatsisimaneranik ersersitsiniartuupput. Misissuineq naapertorlugu 2016-imi pisortat suliffeqarfii ni tamani perorsaasunik atorfii 730-nik amerlassuseqarput, ukiorli taanna perorsaasut 333-t atorfeqartinneqarput. Atorfii pineqartut Namminersorlutik Oqartussat ataanniipput 352-iullutilu kommuuninilu 378-iupput, Namminersorlutillu Oqartussat ataanni 87-iinnaat atorfeqarput kommuuninilu 246-t atorfeqarlutik. Taamaasilluni pisortat suliffeqarfiaanni perorsaasunik amigaateqarneq annertuvooq. Perorsaasut 142-t ilinniagarinngisaminni suliffeqarput suliffeqarnermiinnatilluunniit misissuinermi ersersinneqarpoq.

Taamaalilluni perorsaanermi tunngasuni sulisussaaaleqinerup assigiinngiaartunik ajornartorsiuteqarfiunera ersersinneqarpoq, taamaalillunilu iliuutsimik ataasiinnarmik suliniuteqarnikkut aaqqinnejqarsinnaanani.

**3. Naalakkersuisut qanoq iliorniarpat qularnaarumallugu perorsaasut, socialpædagogit ilinniarsimanngitsullu meeqqanik inuusuttunillu meeqqerivinni ulloq unnuarlu angerlarsimaffinni sullissisut ilinniaqqisinnaalernissaat aamma pikkorissarsinnaalernissaallu?**

**Akissut**

Apeqput 1 aamma 2-mut akissut takuuk. Ilanngunneqassaaq sumiiffinni ataasiakkaani ulloq unnuarlu angerlarsimaffinni pisortat sulisut ilinniaqqinnissaannut periarfissaat pilersarusiusallugu pisussaaffigimmassuk.

**4. Naalakkersuisut tigussaasumik qanoq iliuuseqarniarpat ikuukkumallutik: A) supervisionertarnissaq qularnaarumallugu aamma perorsaasut ilinniarsimanngitsullu tarnikkut oqilisaakkumallugit? B) Qularnaarumallugu sulisussaaleqinermit eqqorneqartut sulisut ilinniaqqittarnissaat aamma pikkorissartarnissaat? C) Sullivinni pineqartuni sulisussaaleqineq nungutinniarlugu sulissuteqarnissaq?**

**Akissut**

**A-mut)** Takukkit apeqputit 1, 2 3-mullu akissutigineqartut.

**B-mut)**

Takukkit apeqputit 1, 2 3-mullu akissutigineqartut.

**C-mut)**

Takukkit apeqputit 1, 2 3-mullu akissutigineqartut.

**5. Naalakkersuisut eqqarsaatiginerlugu suliniuteqarnissartik ilinniartitsinissartillu, inunniq isumaginninnermut siunnersortinut sullisisunullu suliniutinut eqqaanartumik - kisianni tamatumuuuna perorsaasunut, socialpædagoginut ilinniarsimanngitsunullu meeqqanik inuusuttunillu sullisisunut sammitillugu?**

**Akissut**

Naalakkersuisut pilersaarataat iliuusissaallu ilinniartitaanermi pilersaarutit iluanni aammalu naalakkersuinikkut suliat pillugit nalunaarutini Naalakkersuisullu inatsisissanik siunnersuutaanni saqqummiunneqarumaarput.

Takukkit apeqputit 2-mut 3-mullu akissutigineqartut.

Inussiarnersumik inuulluaqqusillunga

  
Vittus Qujaukitsoq